

閩省善後條議

此冊乃清同治十二年福州諸生林華
壽上王凱泰中丞書

閩省善後條議


竊自軍興以來蔓延十數省輾轉二十年百姓之死於兵火者數
千億萬人軍需之糜國帑者數千百萬兩仰仗朝廷天威漸
次掃除與民休息各直省籌辦善後事宜于是乎招流亡議賑恤
整營伍增餉糈製軍器造船礮此數端者誠今日之急務然為正
本清源之計尚不僅此夫盜賊之滋必有所由起皆由數十年前

文恬武嬉財源日竭間民日衆為民牧者蹈常習故億萬生靈任
其自生自死自榮自悴於其下而莫為之所饑寒困頓之難忍安
在其不為亂也所謂大臣者欲民之安全也為之飽煖恐民衣食
無資也為之籌利源禁游惰崇節儉杜糜費濡之以教化悚之以
刑威故民樂生服教無事則租稅以時入徭役以期辦不幸而有
事則衆志成城顧當顛連危苦之時民情仍蟠結而不散故憂民

憂樂民樂千古治民之大端也夫蕭曹之規不宜于房杜韓范之
略不襲夫管商泥古不變非時代異宜即迂濶鮮效惟叅酌時勢
可以變通變理者條列于後一切高遠難行之言概不之及是亦
久善後之良法也舉而措諸施行所望封疆大吏之憂民憂者

經

福省花巷口雲林閣



興鄉治

天下之治由賢督撫賢督撫之治其屬在州縣得人今州縣所轄之地廣所理之事繁刑名任之錢穀任之差徭驛站緝盜捕亡任之徵糧徵課過餉過犯私鹽私鑄無一不當周知也無一不受處分也衝途之州縣勞於奔走困於供支省會之州縣瘁於應酬疲於迎送有志者欲兼綜庶事未必事之周知其庸懦者乃一切棄

置假手募友胥役憂貧去過之不暇欲其為民興利去弊也難矣
教然則為今之計將奈何曰請倣古者周官管子之法通飭全省州
縣於所屬地方十家為鄰擇其聲望卓著一人為鄰正十鄰為社
擇十鄰正之尤著者兼社正十社為鄉擇十社正之尤著者兼鄉
正其選充之法或以爵或以品或以年聚族之鄉間以行輩有功
名者為紳平民為正凡胥役兵丁概不准充以昭慎重州縣小者

數萬戶大者十數萬戶每千戶為一鄉令數令十鄉紳正分統於
州縣凡民間婚姻田土雀鼠細故紳正為之憑公理處剖斷曲直
既可省免公庭之累亦可省詞訟之費事體重大者呈官處決則
州縣之獄訟漸簡矣鄰正清查其鄰之戶口每家若干人所執何
業遷徙生死隨時填註按季由里正轉交於鄉正聚賭宿娼素行
為惡者報官責治遇有踪跡可疑之人立行遣逐則州縣之緝捕

益密矣十家數十家中公推讀書明理者在本處宣讀
聖諭
務令簡易明白咸俾通曉又置勸懲二冊其地孝弟謹愿共稱良
善者登善冊其不孝不弟頑悻倔強者登懲冊怙惡不悛弗受紳
正約束報官責治則州縣之教化可興者矣或曰本地紳衿恐其
有所偏徇且或把持鄉曲曰人惟善不肖之分乃生方監不必任
鄉鄰之長亦武斷自雄如選擇得人正可隨同長官安良鋤莠或

又曰給薪水則費鉅不給恐無人承充曰人無貴賤好惡則性情
同今省會縉紳不以無薪水不為縉紳而獨慮此乎要惟假以事
權優其禮貌有功名者州縣待以縉紳之儀無功名者待以生監
之儀一切奔走差徭仍責諸各鋪地保然後有志自好之士方甘
心為之不相鄙薄也天下者鄉井之所積也必鄉井有善俗而後
天下有善治今日之亟務無有過於此者是卽成周比閭族黨之

風管子軌里連鄉之法未始不可酌行於今日也

正官方

國家澄叙官方吏治章程纖悉具備誠能實心為政才識之高者
不患政之不立即才識稍下心之所至才自展拓當軍務既竣培
養民氣非整飭吏治不為功一汰冗員閩省道府同通州縣佐貳
計若干缺而候補試用之員倍之輪委屆班約須數年之久需次
費用盡取償於得缺之日虧帑臨朘民勢所不免宜量加裁撤通省

候補人員酌留實實^缺之半餘皆回籍俟疎通時再行傳到一習吏
事於省會設立公局不給薪水凡候補人員概令入局學習督撫
司道各衙門應核應擬應閱之件無關機密者發局辦理既可分
幕友之勞又可糾吏胥之弊屬員藉此鍊習吏事上司以此察看
人才所辦之件填註職名則勸^勸者惰者才者劣者不待得缺之日
已了然矣一禁薦托凡幕友家丁均由各官自行訪用上司同寅

不必互相推薦致礙情面一崇儉約凡衣服器具與馬宴會概從
樸素以節糜費一免饋送上下交際勿庸以儀物致敬用煩費鉅
必致妄取於人官省一錢之用民受一分之賜一嚴甄別保舉納
賢人員才識不齊宜挨次考校其庸下不諳治體者隨時勒令回
籍要之州縣為親民之官大而數十萬戶小而數萬戶群繫於其
身凡士習民風錢糧詞訟水利緝捕及一切令申甲之所垂憲檄之

所飭民生之所重 國計之所關與夫士豪之害民丁胥之舞弊
均宜實心整理夫天下之事始於州縣州縣壅滯叢^勝畔內而六部
卿寺外而督武^撫司道雖殫慮竭慮鮮克有當譬如治水者下流通
而後上源可治會計者散數理而後總數可得而清是官箴不可
不勵守令不可不擇也

重學術校

天下之治亂由於吏治治道之醇雜繫於人才桐城方望溪侍郎
嘗欲倣朱子學校貢舉議前大學士太原孫文定公欲議訪薦經
明行修之士凡以學校實吏治之先聲人才之根本也國家設
科造士所以待之者至優且渥名實相副者固有其人而委靡不
振之徒往往不知嚮學以副朝廷作人之意然天下中材居多誠